

- Congredere, et bello devictum mox spoliato.
 Ibat metensis Camelo metropolitanus,
 645 Vertice fulva micat cassis, de pectore thorax,
 Et procul acclamans 'heus audi' dixit 'amice!
 Regi Francorum totum transmittē metallum,
 Si vis ulterius vitam vel habere salutem.'
- Conticuit paulum verbo fortissimus heros,
 650 Opperiens propius hostem adventare ferocem.
 Advolitans missus vocem repetiverat istam
 'Regi Francorum totum transmittē metallum!'
 Tum juvenis constans responsum protulit istud
 'Quid quaeris? vel quid reddi, importune coartas?'
- 655 Nunquid Gunthario furabar talia regi?
 Aut mihi pro lucro quicquam donaverat ille,
 Ut merito usuram me cogat solvere tantam?
 Num pergens ego dampna tui vestrae regioni,
 Ut vel hinc juste videar spoliari a te?
- 660 Si tantam invidiam cunctis gens exhibet ista,
 Ut calcare solum nulli concedat eunti,
 Ecce viam mercor, regi transmittō ducentas
 Armillas; pacem donet modo, bella remittens.'
- Haec postquam Camelo percepit corde ferino
 665 'Amplificabis' ait 'donum, dum scrinia pandis.
 Consummare etenim sermones nunc volo cunctos;
 Aut quaesita dabis, aut vitam sanguine fundes.'
 Sic ait et triplicem clipeum collegit in ulnam,
 Et crispans hastile micans vi nititur omni,
 670 Ac jacit. at juvenis devitat cautiōr ictum.
 Hasta volans casso tellurem vulnere mordet.
 Waltharius tandem 'si sic placet' inquit 'agamus.'

650 superbum B. 652 fehlt A. 665 aut quid B. 659
 videas C. 668 ac B. 671 mordit B. 672 camus E, beige-
 chrieben aber agamus.